

Adresa: **Ul. Hamdije Ćemerlića 39a**  
71000 Sarajevo  
<http://www.voda.ba>

tel. +387 33 726-444  
fax. +387 33 726-423  
e – mail: [info@voda.ba](mailto:info@voda.ba)

**Broj: UP-1/21-1-40-181-7/23**

**Datum: 03.07.2023. godine**

«Agencija za vodno područje rijeke Save» Sarajevo, rješavajući po zahtjevu Direkcije za ceste u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona za donošenje rješenja o prethodnoj vodnoj saglasnosti za aktivnost – rekonstrukcija i modernizacija regionalne ceste R445 Lašva-Zenica, vangradska dionica Glavne gradske magistrale (dionica od ST 1+250,00 do ST 4+250,00), grad Zenica, na osnovu člana 109. stav (1) tačka 9. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **R J E Š E N J E** **o prethodnoj vodnoj saglasnosti**

1. Direkciji za ceste u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona daje se prethodna vodna saglasnost za aktivnost - rekonstrukcija i modernizacija regionalne ceste R445 Lašva-Zenica, vangradska dionica Glavne gradske magistrale u dužini od 3.00km - dionica od ST 1+250,00km (skretanje za Industrijsku zonu) do ST 4+250,00km (kružni tok Drivuša), grad Zenica, a u postupku pribavljanja urbanističke saglasnosti.
2. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod sljedećim uslovima:
  - 2.1. Izraditi investiciono-tehničku dokumentaciju na nivou potrebnom za građenje u kojoj će se dati tačan prostorni i visinski položaj saobraćajnice u odnosu na rijeku Bosnu i postojeće objekte za zaštitu od voda (nasip, regulisano korito rijeke Bosne...) sa tehničkim rješenjima koja se odnose na problematiku voda, zaštitu od velikih voda rijeke Bosne kao i način prikupljanja i tretman onečišćenih voda te ispuštanja prečišćenih voda sa kolovozne konstrukcije u recipijent.
  - 2.2. Investiciono-tehnička dokumentacija treba biti izrađena i revidovana od strane pravnih lica koja imaju ovlaštenja izdata od strane Federalnog ministarstva poljoprivrede, vodoprivrede i šumarstva (lista «A») a sve u skladu sa Pravilnikom o uslovima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08).
  - 2.3. Odrediti niveletu predmetne saobraćajnice u odnosu na velike vode rijeke Bosne i pritoka duž trase saobraćajnice čije velike vode mogu potencijalno ugroziti trasu saobraćajnice na način da se ne dovodi u opasnost odvijanje saobraćaja u slučaju pojave velikih voda ranga javljanja 1/100 godina.
  - 2.4. Projektnom dokumentacijom treba definisati način prikupljanja, tretmana i ispuštanja prečišćenih oborinskih i ostalih otpadnih voda sa saobraćajnice i pripadajućih površina u podužnom i poprečnom smislu (oborinski kolektor, propusti, slivnici i sl). U sklopu projekta treba dati hidraulički proračun koji će definisati količine vode koje se mogu pojaviti u formi oborina i koje nakon prikupljanja i tretmana treba odvesti do prijemnika.
  - 2.5. U projektnoj dokumentaciji definisati lokalitete – pozajmišta materijala ili lokalitete na kojima će se deponovati višak materijala u toku rekonstrukcije i modernizacije predmetne saobraćajnice. Nije dozvoljeno odlaganje materijala na obale vodotoka i u vodnom dobru. Deponovanje materijala rješavati na način da se ne remeti prirodni režim voda.
  - 2.6. Trasa saobraćajnice treba da bude usklađena sa ostalom infrastrukturom (elektro, gasovod, vodovod, telefon i sl.) a za sve eventualne kolizije i ukrštanja sa istom, trebaju se pribaviti potrebne saglasnosti od operatera istih.

- 2.7. Sagledati sve moguće neželjene uticaje na predmetnu saobraćajnicu kao i saobraćajnice na druge objekte i postrojenja, stečena prava korisnika, postojeću infrastrukturu, naselja i slično te dati prijedlog mjera za sprječavanje ili smanjenje tih uticaja u toku radova na rekonstrukciji/modernizaciji iste.
3. Po izradi i reviziji investiciono-tehničke dokumentacije, u skladu sa uslovima iz tačke 2. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
4. Zahtjev za izdavanje vodne saglasnosti dostavlja se u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22). Uz zahtjev se, između ostalog, prilaže:
- 4.1. Revidovana Investiciono-tehnička dokumentacija urađena na nivou glavnog projekta i u skladu sa uslovima iz dispozitiva ovog rješenja
- 4.2. Rješenje o urbanističkoj saglasnosti
- 4.3. Dokaz o izvršenoj uplati administrativne takse u iznosu od 60 KM
5. Ovu prethodnu vodnu saglasnost Investitor će koristiti u postupku ishodovanja urbanističke saglasnosti i ona definiše sve uslove koje projektna dokumentacija, koja se podnosi u postupku dobivanja vodne saglasnosti i građevinske dozvole, treba ispuniti sa aspekta voda u skladu sa Zakonom o vodama.
6. Prethodna vodna saglasnost se daje sa rokom važenja od tri (3) godine od dana pravosnažnosti ovog rješenja, u skladu sa članom 111. stav (3) Zakona o vodama.
7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.

### **Obrazloženje**

Direkcija za ceste u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona podnijela je ovoj Agenciji dana 03.05.2023. godine zahtjev za izdavanje prethodne vodne saglasnosti za aktivnost - rekonstrukcija i modernizacija regionalne ceste R445 Lašva-Zenica, vangradska dionica Glavne gradske magistrale, u dužini od 3.00km - dionica od ST 1+250,00km (skretanje za Industrijsku zonu) do ST 4+250,00km (kružni tok Drivuša), grad Zenica, a u postupku pribavljanja urbanističke saglasnosti.

Uz zahtjev nije bila dostavljena dokumentacija koja je propisana članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) te je dopisom broj: UP-1/21-1-40-181-2/23 od 04.05.2023. godine zatraženo od podnosioca zahtjeva da istu dopuni što je i urađeno u ostavljenom roku.

U provedenom postupku, dostavljena je i pregledana sljedeća dokumentacija:

- Ovjerena kopija Uvjerenja broj: 04/5-1/IV-17-15-2406/2012 kojim se potvrđuje da Ministarstvo za prostorno uređenje, promet i komunikacije i zaštitu okoline, Kantonalna direkcija za ceste Zenica, Kučukovići br 2 Zenica, identifikacioni broj: 4218342030025 nije upisano u Jedinostveni registar obveznika indirektnih poreza kao obveznik poreza na dodanu vrijednost u Regionalnom centru Sarajevo izdato dana 27.07.2012. godine od strane Uprave za indirektno-neizravno oporezivanje Banja Luka,
- Ovjerena kopija Uvjerenja o poreznoj registraciji za Ministarstvo za prostorno uređenje, promet i komunikacije i zaštitu okoline, Kantonalna direkcija za ceste Zenica izdatog dana 16.04.2010. godine od strane Porezne uprave – Kantonalni ured Zenica,
- Ovjerena kopija Obavještenja o razvrstavanju jedinice u sastavu pravnog lica po djelatnosti broj: 04-32.5-1-4218342030009/08 za Ministarstvo za prostorno uređenje, promet i komunikacije i zaštitu okoline, Kantonalna direkcija za ceste Zenica izdatog dana 16.04.2010. godine od strane Službe za statistiku za područje Zeničko-dobojskog kantona,
- Kopija Zakona o izmjeni i dopuni Zakona o kantonalnim ministarstvima i drugim tijelima kantonalne uprave («Službene novine Zeničko-dobojskog kantona», broj 3/10),

- Glavni projekat rekonstrukcije i modernizacije regionalne ceste R445 Lašva-Zenica, dionica Bojin Vir-A. Bregovi L=4,25km (Knjiga «D» – Projekat odvodnje oborinskih voda) urađen od strane «INVEST-PROJEKT» d.o.o. Zenica (šifra projekta: 112/15-GP, decembar 2014. godine),
- Izvještaj o reviziji projektne dokumentacije urađen od strane JP za prostorno planiranje i uređenje grada «Zenica» d.o.o. Zenica, april 2016. godine,
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i naknadno dostavljenu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i članom 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 24.05.2023. godine obavještena javnost putem obavještenja na oglasnim pločama «Agencije za vodno područje rijeke Save» u Sarajevu i u Uredu u Zenici, te dana 25.05.2023. godine u dnevnom glasilu «OSLOBOĐENJE». U datom roku nije bilo pisanih izjašnjenja o predloženim aktivnostima iz zahtjeva. U provedenom postupku konstatovano je sljedeće:

Na osnovu uvida u dostavljenu dokumentaciju utvrđeno je:

Postojeća regionalna cesta R455 Lašva-Zenica na dionici od Bojinog vira do priključka na most Drivuša predstavlja glavnu vezu grada Zenica sa magistralnom cestom M-17 i autocestom na koridoru Vc. Trasa saobraćajnice djelimično prolazi paralelno sa rijekom Bosnom, odnosno zemljišnim česticama koje pripadaju vodnom dobru.

Aktivnost za koju je podnesen zahtjev za donošenje rješenja o prethodnoj vodnoj saglasnosti je rekonstrukcija i modernizacija regionalne ceste R445 Lašva-Zenica, vangradska dionica Glavne gradske magistrale u dužini od 3.00km - dionica od ST 1+250,00km (skretanje za Industrijsku zonu) do ST 4+250,00km (kružni tok Drivuša), grad Zenica, a u postupku pribavljanja urbanističke saglasnosti.

Projektnom dokumentacijom - Glavni projekat rekonstrukcije i modernizacije regionalne ceste R445 Lašva-Zenica, dionica Bojin Vir-A. Bregovi L=4,25km (Knjiga «D» – Projekat odvodnje oborinskih voda) urađenom od strane «INVEST-PROJEKT» d.o.o. Zenica, decembar 2014. godine predviđena je rekonstrukcija i modernizacija saobraćajnice u ukupnoj dužini od 4,25km (vangradska dionica GGM-a).

Za dionicu od kružnog toka Bojin vir (ST 0+000km) do skretanja za Industrijsku zonu (ST 1+250,00km) ukupne dužine 1,25km ranije je od strane Agencije izdato Rješenje o prethodnoj vodnoj saglasnosti broj: UP-I/25-1-40-053-5/20 od 10.11.2020. godine a potom i Rješenje o vodnoj saglasnosti broj: UP-I/25-2-40-207-2/21 od 21.05.2021. godine.

Rekonstrukcijom je predviđena modernizacija postojećeg sistema odvodnje koji je riješen otvorenim kanalima i jarcima duž ceste nedovoljne propusne moći te većim brojem propusta uglavnom nedovoljnog kapaciteta za poprečno provođenje prirodnih vodotoka i prikupljenih površinskih voda prema recipijentima. Postojeći propusti bi se rekonstruisali i dogradili a pojedini bi se potpuno ukinuli ili zamijenili novim čime bi se riješio problem izlivanja vode na kolovoz zbog nedovoljne propusne moći istih. Oborinske vode sa kolovoza prikupljale bi se odgovarajućim slivnicima sa priključkom na novi oborinski kolektor a nakon tretmana u separatoru ulja i masti prečišćene vode bi se ispuštale u krajnji recipijent - rijeka Bosna.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na režim voda i prava na vode dodjeljena drugim korisnicima, podnosiocu zahtjeva su ovim vodnim aktom, u tački 2. dispozitiva Rješenja, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata, propisani uslovi koje je dužan da ispuni prilikom izrade projektne dokumentacije koja će Investitoru biti potrebna u postupku pribavljanja vodne saglasnosti i odobrenja za građenje.

Na osnovu prednjeg i provedenog postupka, shodno odredbama člana 109. stav (1) tačka 9., a u vezi sa članom 111. Zakona o vodama, doneseno je rješenje kao u dispozitivu.



Podnosilac zahtjeva je uplatio upravnu i administrativnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

**Uputa o pravnom lijeku:**

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju  
Rukovodilac Sektora za izdavanje vodnih akata

Hariš Ališehović, dipl.ing.građ.



Dostaviti:

- Ministarstvo za prostorno uređenje, promet i komunikacije i zaštitu okoline  
Direkcija za ceste Zeničko-dobojskog kantona  
Kučukovići br 2, 72000 Zenica
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava